



揚州府志敘



揚州故廣陵地也九州之九唐
虞得十二焉

高皇帝定天下特隸京師為畿輔
重以薄海郡國計得百二焉廼
其北據淮東南距海包有吳楚

閩粵內控青齊而西護

陵寢為江南北大都會至雄鉅矣
郡故有志緝自

世廟時而故事殘缺新聞散落論
世者病焉歲戍戍東魯楊公來
領郡事索舊志不可讀將從事

重新之值權使四出耽耽江淮
間楊公仰屋竊嘆夙夜未遑以
間而謀之司理徐公郡之有志
猶國之有史也國不史不國郡
不志不郡今

上方允輔臣之請釐脩正史儻然

而徵百國陽秋其何以應亡者
初始廢者修飾紹明世開來禩
本詩書禮樂之際其在斯乎迺
徐公奮然任之歛衽而起位不
當作家而忝有司存才非良史
而藉之能者何可阻闞暨而輟
典章當吾世身親失也於是郡
丞相州邑諸大夫悉受成禮聘
郡邑之才且雋者分曹受事州
既具徐公內遷意不但已乘輶
入京循塗編次告成而奏楊公
楊公從諸君子討論而潤色之

彬彬悉矣懸書國門則楊公自
為敘已授簡於不佞維揚幸有
成書則司理之成州邑長吏之
烈多士蒐摭掌固之庸不淺洵
冒然在事而首次之自用且專
胥無以解諫議氏故稽天府考
職方扶風三輔之地諫議敘矣
不佞受而卒業唯唯久之未幾
而楊公以治平稱首列郡

天子嘉悅擢臬使治兵海上仍故
部復以書來申前請洵之志揚
也碌碌因人成事準諸作者有

嘆嘆焉茲治地益廣於揚有依
戀私歲月更單敘宜已嗟乎不
倭命矣即不任文墨而與有方
輿之藉豈其曠歲而唯一敘之
難志邑則邑志郡則郡志省會
則省會敘難矣而敘志為難敘
志難矣而敘揚志為尤難揚公
之述引確矣諸君子之條列詳
矣他有作者弗可及也顧揚為
天下雄列郡莫與京焉延袤千
里包江海而亘南北有腹背咽
吭之係在天下之大利鹽為政

天下之大害河為政而揚均任
之絕塞要害之地其羸詘互通
者非他鹽筴比也

陵寢漕輓之務遠近彼此不相能
其內虞而外憂非他河渠比也
是故府萬貨通四境鳩聚五方
民裔䟽淮排洄固王氣而遏橫
流歲月為兢兢焉故以民物之
隆替候維揚之盛衰以維揚之
盛衰候天下之否泰豈其文獻
之不足為作者慮不及此乎頃
者權稅鹽筴治水之使屢出財

賄委輸江淮騷動撫綏填定之
任固宜有博大不二心之臣媮
快而勝任焉乃今志事成百嘉
遂論記明而讚述整齊官茲土
者有所受而循良生茲土者有
所興起而賢淑隆利杜害不遺
餘力揚其永有興乎廣維揚於
九州百國雖謂揚之志為天下
志可矣郡國云乎哉揚公方膺
簡命重蒞故地地以人成而人以
地勝開國譬是之成家由前則基
由後則堂則構作述併於一時

禮時為大楊公將焉避之有能
紹明世開來禩本詩書禮樂之
際其在斯乎此揚志之所為急
而敘志之所為難也要以古得
九一今得百二形勢之便親樞
為重信然天下候之矣是為敘
萬曆癸卯春日
賜進士第南京吏科給事中豫章
祝世祿撰



揚州府志序

揚故志僅什一之存耳即什一之存
於作者之義亡當也楊暉吉守
揚政通民和慮文獻亡徵後將
何術乃以載筆之役屬司理公而
省其成既竣以一帙授余徵序余

方祝釐走

闕下未皇也。比返留都已踰年。是為甲辰。始卒業茲帙。而為之序曰。郡乘史之流也。人言史筆難茲。豈獨易沈休文。豈不以史才自負。書一出評者曰。條流粗舉採綴未周。而况在休文下者乎。果如其評。即舉矣。周矣。遂稱良史。耶。今海內郡縣。亡小大。皆有志自康武功。書出人皆艷說之。凡有作多竊其膚。似而亦自附於作者之義。然所謂條流採綴也者。豈非建

置沿革耶山川城池耶官署橋
梁耶都圖亭鄣耶宮觀梵刹
耶人物產聚耶與夫選舉之棹
楔學士之詠謨耶允若茲則夫人
而能為舉夫人而能為周也然
其事徃徃不稱書亦不稱法故

夫人而能為志則夫人而不能為
志也夫人而不能為志而為志以
故於作者之義益亡當以余觀
於揚志其庶乎揚水國也北吞
淮泗西連滁濠南浮金焦東滙海
壖非江北一大都會哉聚四方之民

新都家關以西山右次之大都土
較沮洳五之一田畷較賈十之一土
著較游寓二十之一梁案較魚鹽
陶器三十之一隋唐間蔚為上國
益州天府亦且巽之鮑明遠賦與
杜紫薇所游風物連絕於世無
兩今雖小弱於昔而青油列戟紅
粉吹簫競奢鬪華不可謂不盛
也暉吉為守一意綏靖閭閻不
啻德之今觀其志徵往於典徵今
於今典與今所不載則徵之人情人
與情所難憑則衡之理律於作


者之義例靡所不合其條流舉而舉者未嘗紊也其採綴周而周者未嘗穢也古稱良史筆司理公近之而非暉吉又孰與成之今上注意海內厚為國計權法之行夫豈鹿人十金之瑤是為而法行之弊不無過擾揚尤厚蒙之黃河橫決清口屢告涸東南萬艘能效兎集烏飛灑然銜尾止都下乎

世宗朝海寇颺至淮揚登陴而國課倚辦鹽筴不異儲胥今稍稍

失算矣暉吉超然遠慮恐權困
商鹽困竈而漕運海防騷騷靡
且莫亡論作者之義例而循良之
績概可睹已黃次公魏弱翁先
後刺揚州為良二千石後皆為
賢相暉吉千載踵其芳政異日
文苑傳循吏當并紀之而是編也
蓋刺揚之一斑哉君家子雲之箴
不云乎堯崇屢省舜盛欽謀而
不虞江淮間稅璫若斯擾也余
請以權困商鹽困竈兩語作續
揚州箴

萬曆甲辰三月

賜進士第南京尚寶司卿東海
于若瀛撰并書



揚州府志敘

古有小史以紀邦國猶今之郡縣
志也

國家熙洽二百餘年所在郡國固不
乏志而况維揚東南一大都會內
阻江海之險南引荆襄吳越北控

青徐而西護

陵寢至要劇至繁重也其山川形勢
政教文物鑒往轍而炳法戒關係
豈淺眇者而志惡可已也萬曆戊
戌不佞洵叨守是邦索所為郡志
者不可得久之得士人藏本讀之

則

世廟時所輯者六十年於此矣刻既
散落事復殘缺輒思紹明世以俟
來者會

上方大權天下江淮若涕郡冗劇倍
於徃時無遑及也間以語司理徐

君則慨然自任於是檢故實鑿邑
乘聘諸賢者分曹授簡稍稍更其
篇目凡為圖一為志十有二為卷廿
有七簡帙頗省於舊而當世之故
燦然備焉蓋竊嘗論之廣陵之勝
始自隋唐五季以還殘燬略盡後
雖稍葺之不及什一然興創不同
沿革互異而風氣漸靡則大畧相
似故郡縣城池等有志沮洳之鄉
賈贏而農拙即額賦苦莫能支而
况朘削日甚攘奪公行乃司計者
猶復一切求多欲安所歸命乎故

賦役有志淮南堤堰相屬前代屢
為漕計今內虞

陵而外憂民計不獨為漕顧議者不
務導黃以安淮而反欲疏淮以縱
黃害將有不忍言者故河渠有志
名勝之地常若與豪傑相待漢晉

以來歷茲土者多一時名賢而倣
儻之士近代亦復不乏斯嚮往所
宜殷者故秩官有志兩淮鹽課當
天下漕粟之直

國家仰給甚厚而柰何沸而揚之濁
而滄之自為屑越乎假令課損而

餉詘恐憂不獨在九邊也故鹽法
有志四會五達之衢天下必爭之
地瀕海剽悍將乘釁而內瀆是虞
島夷猶外懼耳收攬駕馭為緩急
用則存乎人故兵防有志江海之
氣旁礴蓄積鬱鬱為人文故鄉之者

顧于今為烈左氏所謂死而不亾
者入其境自可想見其人故人物
有志揚州畫江為界非復禹貢所
稱齒毛羽革走自四方江珍海錯
則地產為至歲時謠俗風土淳澆
卒難以齊一故風物有志大業間

罄物力以侈遊觀而唐復置重鎮
於此故維揚勝蹟海內無不艷稱
之然轉瞬之間蕩為墟莽豈非千
古炯戒故古蹟有志自列國以降
史冊所載淮南事可歷數也而災
祲獨劇總之江海為崇居多亦澤
國之勢然也故歷代有志及災異
有紀法乘羽客流寓何常而揚為
東南奧區尤多托跡其間彼其修
證不同固未嘗數數然於世者亦
安可輕訾也故方外有志文章經
國大業不朽盛事由漢唐迄今董

相枚叔而後作者不乏豈必盡關
風教而擷英萃芳固所不遺故以
文苑志終焉嗟夫所為志者以紀
其地之所有為一郡實錄已耳乃
揚之地橫亘跨連據江海之勝以
為阨塞而又囊括綆引總四方之
利以為灌輸其於

國家則所謂門戶咽喉也夫門戶所
以為固咽喉所以為命其非厘厘
一郡所有明甚將務撫之猶恐其
擾務靖之猶恐其亂而况於擾之
亂之乎今

上偶過為國計而聽諸權使不虞乘
是者之能為擾且亂也于揚尤甚
一焉豈其門戶咄吭之弗恤乎此當
事者所為凜凜懼已志既成帙會
徐君內遷以去乃自途次編輯以
遺不佞不佞雖稍為刪潤大抵皆

徐君所更定也徐君博識雅詞有
雋才其所論次足以觀徐君第收
於散逸之後徃徃苦無考據于古
或不能什伍而近亦厘什七蓋上
下千餘年間廣袤直數百里網羅
補苴若斯之難也雖然及今不一

余
掇拾後之難且什伯此者是以不
辭掛漏勿寧湮沒以俟夫閱覽博
物者得以增飾焉

萬曆辛丑歲秋七月之吉

賜進士出身中憲大夫知直隸揚州
府事東魯楊洵書



揚州府志

首卷

揚州府總圖

各州縣輿地域池圖說

第一卷

郡縣志上

總論

星野形勝

建置氣習

山川

第二卷

郡縣志下

城池

公署

祀典

都里

橋梁

第三卷

賦役志上

賦役考

第四卷

賦役志下

正賦 襍賦 馬政 戶口 蘆洲

關稅

第五卷

河渠志上

河渠考

第六卷

河渠志下

各州縣河渠水利

第七卷

秩官志上

歷代官制 歷代秩官紀

第八卷

秩官志上

國朝官制 國朝秩官紀

第九卷

秩官志下

歷朝秩官傳

第十卷

秩官志下

國朝秩官傳

第十一卷

鹽法志上

鹽法考

第十二卷

鹽法志下

鹽法官制

鹽法官紀

鹽法秩官傳

第十三卷

兵防志上

兵防考

第十四卷

兵防志下

營伍

衛所

兵防秩官傳

第十五卷

人物志上

歷代薦辟科目

國朝薦辟科目

馳封

流寓

揚州府志 目錄
第十六卷

人物志中

歷代名臣傳

第十七卷

人物志中

國朝名臣傳

第十八卷

人物志下

循吏傳

名儒傳

文士傳

高隱傳

義烈傳

第十九卷

人物志下

孝子傳

節烈傳

篤行傳

第二十卷

風物志

風俗

物產

第二十一卷

古蹟志

古城

宮殿

樓閣

臺觀

堂院

故宅

隄苑

池井

古塚

遺物

逸事

近蹟

第二十二卷

歷代志

第二十三卷

方外志

寺觀

仙釋

神異

方伎

第二十四卷

文苑志

經籍

第二十五卷

文苑志

賦

第二十六卷

文苑志

辭

詩

第二十七卷

文苑志

文


雜著

輿地圖說

揚州府疆域東抵如臯縣掘港場三百六十里至海
門縣呂四場一百二十里西抵鳳陽府天長縣界七
十里南抵瓜洲揚子江四十五里北抵淮安府山陽
縣界二百八十里東西廣五百八十里南北袤三百
二十五里府治江都縣西南七十五里至儀真縣東
南一百四十里至泰興縣北一百二十里至高郵州
州北一百二十里至興化縣自高郵州北一百二十
里至寶應縣府治東一百二十里至泰州距州東南
一百六十里至如臯縣又折而東南一百三十里爲


通州州東四十里爲海門縣自府治至南京水陸俱
二百四十五里至京師水陸俱三千一百二十五里
江都縣治附郭其地東抵泰州斗門九十里西抵本
縣安州鄉一百里南抵本縣瓜洲鎮四十五里北抵
高郵州露筋廟九十里廣一百九十里袤一百三十
五里

揚州府總圖



西抵天長縣界


南抵揚子江




東抵大海

北抵山

江都縣四境圖
西南至儀真縣界



西北至天源縣界



東南至泰興縣界

東北至泰州界

江都縣志

輿地圖


儀真縣輿地圖說

儀真縣治在府城西南七十五里其地東抵江都縣
烏塔溝四十里西抵六合縣褚家堡四十里南抵楊
子江濱五里北抵天長縣樊公店六十里廣八十里
袤七十里


儀真縣四境圖

揚州府志


西六合縣界




興山圖



儀真縣城池圖



輿地圖




輿地圖

泰興縣輿地圖說

泰興縣治在府城東南一百四十里其地東抵如臯
縣界六十七里西抵丹徒縣圖山九十里南抵靖江
縣馬馱沙四十里北抵泰州廟灣六十里廣一百五
十七里袤一百里


泰興縣四境圖

西抵江都縣界



江縣界


界州泰




東抵如臯界



高郵州輿地圖說

高郵州治在府城北一百二十里其地東抵興化縣
河口鎮八十里西抵天長縣凌塘橋八十里南抵江
都縣露舫廟三十里北抵寶應縣界首鎮六十里廣
一百六十里袤九十里



高郵州四境圖





興化縣輿地圖說

興化縣治在高郵州城東一百二十里其地東抵泰州丁溪場四十五里西抵高郵州河口鎮五十里南抵泰州蚌沿河三十五里北抵淮安府鹽城縣六十里廣袤各九十五里

興化縣四境圖


西至高郵河鎮

四時堡鎮

蚌州泰至南 郵高通河盥運



河沿



興化縣四境圖

西至高郵河鎮

四時堡鎮

蚌州泰至南 郵高通河盥運




寶應縣輿地圖說

寶應縣治在高郵州城北一百二十里其地東抵鹽
城縣射陽湖中流一百一十里西抵盱眙縣蘄陽村
一百三十里南抵高郵州界首鎮六十里北抵山陽
縣黃浦鎮二十里廣二百四十里袤八十里


泰州輿地圖說

泰州治在府城東一百二十里其地東抵本州拼茶
場二百一十里西抵江都縣斗門三十里南抵泰興
縣廟灣四十里北抵興化縣凌亭八十里廣二百四
十里袤一百二十里



泰州四境圖



泰興縣界





泰州城池圖





如臯縣輿地圖說

如臯縣治在泰州城東南一百六十里其地東抵海濱掘港巡檢司一百二十里西抵泰興縣界六十里南抵江濱石莊巡檢司六十里北抵泰州廟灣三十里廣一百八十里袤一百二十里





通州輿地圖說



通州治在府城東四百二十里其地東北抵海門縣
呂四場界一百一十里西抵楊子江十里南抵楊子
江狼山十二里北抵白舖如臯縣界六十里廣一百
二十里袤七十二里



海門縣輿地圖說

海門縣治在通州城東四十里其地負城東西南北各五里東南清幹鄉智正都剝地廣二十里袤三里東北呂四場剝地廣二十里袤五里





揚州府志

輿地

三

